

Ang Tinuod Nga Bautismo Sa

Espiritu Santo

Juan 3:3-8, "Sa pagkatinuod, sa pagkatinuod, magaingon ako kanimo, gawas kon ang tawo iganak sa tubig ug sa Espiritu, dili siya makasulod sa gingharian sa Dios."

Kanang Espiritu Santo angayng nga mahimong labing importante alang kanimo kay sa tanang butang nga anaa sa kalibutan: sa imong dungog, sa imong kinabuhi, sa bisan unsang butang nga anaa kanimo. **Dili ka moundang hangtud nga imong maangkon Kini.** Kininahanglan Kini mahimong labing... Ug ikaw moingon, "Buyno, ako nahadlok nga sila nga anaa didto sa akong trabaho. Ako nahadlok nga ang akong bana, ang akong..." Ayawg kahadlok; himoa Kana nga maanaa sa unang dapit. Pasagdi lang ang tanang butang. Himoa Kana nga nahauna. "Buyno, ako nagalaum nga makuha Kini sa umalabot nga mga adlaw, Igsoong Branham." **Dili sa umalabot nga mga adlaw: karon. Mao kini ang panahon.** Himoa kini nga mahimong unahon sa dili pa nako buhaton ang bisan unsang butang. Tugoti nga maangkon ko Kini karon." Mahimong desperado. Kana makatabang sa pagtubag sa atong pangutana. Sa dihang mahimo kang desperado alang Niini, sa tinuoray gayud nga kinahanglan maangkon Kini kondili mamatay, unya mao kini sa dihang imong maangkon Kini. [1]

Sa ako nang gikaingon kagabii mahitungod sa patubig, nga nagapatubig sa imong pananum. Kon kung ikaw nagatingdog sa gawas dinhi sa taliwala sa uma, ug mangitngit kini, ug ikaw moingon, "Oh, dakung elektrisidad, ako nahibalo nga ikaw ania sa uma. Karon, ako nasaag, wala nasayud kung asa ako padulong. Hatagi ko ug kahayag, aron ako makakita kung asa mopaingon. Adunay igong elektrisidad nga makapahayag sa uma." Tinuod kana. Oo, sir. Adunay igong elektrisidad dinhi sa lawak aron mahayagan kini bisan kung wala kining mga suga, bisag wala kana. Apan kinahanglan imong pagadumalahan kini. Karon, tingali mosinggit ka hangtud nga dili ka na makasinggit gayud; kini dili mohayag. **Apan kung ikaw magabuhat sumala sa mga balaod sa elektrisidad, unya ikaw makabaton ug kahayag.** [2]

Karon, ang magkamasinugtanon lamang, mao lamang kanang tanan (*Mga Buhat 5:32*). [3]

Buyno, mao kana ang sama nga paagi sa Dios. Ang Dios mao ang dakung Magbubuhay sa mga langit ug yuta, ang mao sa gihapon kagahapon, karon, ug hangtud sa kahangturan. Siya sa gihapon Dios. **Apan Siya magapamuhat lamang kanimo sa dihang ikaw magasinod sa Iyang mga balaod ug mga tugon. Mga higala, ako mosulti niini: wala gayud ako nakakita nga napakyas kini, ug dili kini.**

Karon, atong bantayan. Si Jesus sa Lucas 24:49 nagsugo sa mga apostoles **human sila naluwas ug gibalaan sumala sa Pulong; gipakamatarung pinaagi sa pagtoo sa Ginoong Jesus; gibalaan sa Juan 17:17** sa dihang si Jesus miingon, "*Balaana sila,*

Amahan, pinaagi sa Kamatuoran. Ang Imong Pulong mao ang Kamatuoran.” Ug Siya mao ang Pulong.

Karon, naghatag kanila sa gahum sa pag-ayo sa masakiton, naghingilin ug mga yawa, nagbanhaw sa patay; ug sila mibalik nga masadyaon (*Mateo. 10:1; Lucas 10:17-20*). Ug ang ilang mga ngalan anaa sa Basahon sa Kinabuhi sa Cordero. Nahinumdom kamo nga naagian nato kana karon. Apan wala pa sila nakabig. Si Jesus misulti kang Pedro sa gabii sa Iyang paglansang; Siya miingon, “Sa human ikaw makabig, unya ligona ang imong mga kaigsoonan.” (*Lucas 22:31-32*).

Ikaw nagatoo ngadto sa Kinabuhing Dayon, **apan sa dihang ang Espiritu Santo moabut, Kini mao ang Kinabuhing Dayon** (*Juan 5:24*). **Ikaw gipanganak sa Espiritu diha sa pagkabalaan, apan wala gayud natawo sa Espiritu hangtud ang Espiritu Santo mopuyo sa sulod.** Tinuod kana. Ang bata nakabaton ug kinabuhi sa sulod sa tagoangkan sa inahan, ang gagmayng nga kaugatan nagalihok; kinabuhi kini. Apan lahi kini nga kinabuhi sa dihang kini moginhawa sa gininhawa sa kinabuhi nganha sa iyang ilong. Lahi kini. Mao kana, kini mao...

Akong hinigugmang igsoong Methodist, ug Pilgrim Holiness, ug Nazarene, **ang bautismo sa Espiritu Santo lahi kay sa pagkabalaan. Ang pagkabalaan mao ang paghinlo, nga mao ang pagpangandam alang sa kinabuhi. Apan sa dihang ang Espiritu Santo moabut, Kini mao ang Kinabuhi. Ang pagpangandam mao ang paghinlo sa sudlanan; ang Espiritu Santo mao ang pagpuno sa sudlanan. “Pagkabalaan” nagpasabut “nahinloan ug gitagana alang sa bulohaton.” Ang Espiritu Santo gibutang sa sulod alang sa bulohaton** (*I Cor. 12:4-6*). Ikaw mao ang sudlanan nga gihinloan sa Dios. [2]

Ang Espiritu Santo mao ang gahum alang sa bulohaton. [4]

Karon, tan-awa, ang pagkamatarung wala gayud nagpasulod Kaniya. Ang pagkabalaan naghinlo lamang sa dapit alang Kaniya. **Apan sa dihang ang bautismo sa Espiritu Santo moabut, kini nagbutang Kaniya sa sulod diha sa katawhan.** [5]

Atong susihon kung unsa ang gisulti sa Biblia karon. Atong makaplagan sa I Mga Taga-Corinto 12:13, ang Biblia miingon, “Pinaagi sa usa ka Espiritu kitung tanan nabautismohan ngadto sa usa ka Lawas.” Kitang tanan nabautismohan ngadto sa Lawas ni Cristo pinaagi sa usa ka Espiritu Santo. Wala kita gitay-og pasulod; wala kita gipasulod kay nagpasakop; wala kita gipasulod kay nagpabautismo sa tubig. **Kita gibautismohan sa Espiritu Santo ngadto sa Lawas ni Jesu-Cristo.** [6]

“Busa sila dili na karon mahinukman sa silot... (Walay kalibutanon nga pagkahinukman sa silot; sila dili makaakusa kanimo ug bisan unsa)... Busa... walay pagkahinukman sa silot kanila nga anaa kang Jesu-Cristo, nga nagalakaw dili uyon sa unod, apan uyon sa Espiritu” (*Roma 8:1*).

Mao kana unsaon sa paghukom sa inyong Cristiyanismo. **Mao kana kung unsaon sa pagkahibalo nga ikaw nakasulod ngadto nianang Pahulay; dili na makasamoksamok gayud ang kalibutan kanimo.** Sa pagkatinuod. **Imong makita kini, magalakaw pahilayo gikan niini. Nakabaton ikaw ug usa ka butang nga labing pagahunahunaon.** Mao kana, “Wala nay pagkahinukman...” Mao kana giunsa nato sa pagsulod ngadto sa Lawas. Ug ikaw adunay dayong kasegurohan (*Efeso. 4:30*). Ang Biblia miingon sa ingon niini. [7]

Ang tinago sa bautismo sa Espiritu Santo **dili pinaagi sa pagbati**, apan persona...
[8] Unsa? Iglesia, mao kana ang hinungdan dili ko mabatonan ang bautismo sa Espiritu Santo sa paghilak, sa pagkurog kon pagsultig mga dila, kon bisan unsang pagbati. Sila maayo man. Nakita ninyo? Silang mga butang daw maayo man, **apan ang yawa makahimo sa pagsundog niana sa tinuod gayud.**

Apan ang Espiritu Santo mao ang Dios, Dios nga mipuyo sa sulod sa mga tawo. Labaw pa kini kay sa pagbati. Labaw pa kini kay sa pagsultig mga dila. Labaw pa kini kay sa pagsinggit diha sa Espiritu. Labaw pa kini kay sa paghilak. Labaw pa kini sa pagpasakop sa simbahan. Mao kini ang Dios nga mipuyo sa mga tawo, Dios, Dios sa Iyang kaugalingon nga mipuyo sa sulod nianang tawo, sa dihang siya mosulti sama ra kini nga ang Dios namulong; mao kana ang Iglesia ni Jesu-Cristo.

[9]

Karon, dili kinahanglan nga magpabautismo ka (sa tubig) aron makadawat sa Espiritu Santo, **tungod kay imong madawat ang Espiritu Santo sa dihang ang imong kasingkasing husto.** Nakita ninyo? Tungod kay sa Mga Buhat 2:37-41 si Pedro naghatag ug pormula nga *“Paghinulsol kamo, ug magpabautismo ang matag-usa kaninyo sa Ngalan ni Jesu-Cristo, ug madawat ninyo ang gasa sa Espiritu Santo.”* Apan unya, sa Mga Buhat 10:44-48, ang Dios miliso ug mihatag sa bautismo sa Espiritu Santo sa mga Gentil **sa wala pa** sila nabautismohan gayud. Nakita ninyo? Busa, inyong makita, **mao kana ang kahimtang sa inyong mga kasingkasing.**

Unya si Pedro miingon, “Aduna bay makasalanta sa tubig, sa nakita nga sila nanagpakadawat sa Espiritu Santo sama sa atong nabatonan sukad sa sinugdan?” Nakita ninyo? Busa iyang gisugo sila sa pagbautismo kanila sa Ngalan ni Jesu-Cristo. [10]

Iyang tuboson ang kalibutan sa samang paaagi sa Iyang pagtubos sa tawo. Unsay mahimo sa usa ka tawo nga motoo? **Siya mitoo, unya siya nabautismohan; unya siya gihinlano sa Dugo, pagkabalaan, nga mao ang mensahe ni Wesley; unya siya napuno sa kalayo sa Espiritu Santo, gikuha ang kalibutan gikan kaniya, ug siya napuno sa Espiritu, nga mao ang Pulong** (kon bautismo sa Espiritu Santo uban sa Pulong: *Juan 6:63*). Motoo ba kamo niana? Karon, bantayi kung unsa. Ang Dios magatubos sa Iyang kalibutan sa samang paagi. [11]

Ang Dios nagapamuhat sa Iyang dapit diha sa Trinidad: pagkamatarung, pagkabalaan, **ug nagpakatawo sa Iyang kaugalingon diha sa Iyang katawhan sa bautismo sa Espiritu Santo.** Samang paagi. Ang yawa nagtipo lamang sunod kang Cristo. Oh, si Satanas nagpakatawo sa iyang kaugalingon.

Sa dihang si Jesus nagpakatawo sa Iyang kaugalingon diha sa Iyang katawhan, ang maong Kinabuhi nga anaa diha kang Cristo mao ang Iyang persona. Ang kinabuhi magsulti kung unsa kini. Nakita ninyo?

Sa dihang imong mabati ang katawhan moingon nga ilang nabatonan ang Espiritu Santo ug dili modawat niining Pulong, adunay usa ka butang nga sayup. Ang Espiritu Santo nagsulat nianang Pulong (*II Pedro 1:20-21*). Ug si Jesus misulti niini “Kung ang usa ka tawo nakabaton sa Akong Espiritu sa sulod kaniya, iyang buhaton ang Akong mga buhat” (*Juan 14:12*). [12]

Karon, tan-awa. Karon, si Jesus misulti kanila (*Lucas 24:49*), “Tan-awa Akong ipadala ang saad sa Akong Amahan, apan pabilin una kamo sa Jerusalem ug magpaabut

hangtud..." Unsa ang saad sa Amahan? Joel 2:28-32, ngano, **atong makaplagnan nga Iyang ibubo ang Espiritu. Sa** Isaias 28:11, nga adunay mga langyaw nga mga dila ug laing mga pinulongan ug tanang niining mga butang. Sila nanungas didto, ug samtang atong naagian kini...

Tingali ang usa miingon, "Oo, ako nagatoo nga kita dugay na nga nagapaabut. Atong dawaton na lang kini pinaagi sa pagtoo." Mao kana ang maayong Baptist nga doktrina, apan kini wala magsilbi kanila mga igsoon. **Busa tungod niana, ang unang butang nga imong mahibaloan, kinahanglan nga kini mahimong realidad, ug sila nagapaabut sa ilang pagpang-alagad alang sa Pulong nga pagapanghimatud-an.** Ug sa dihang ikaw magapangita sa Espiritu Santo, mao gihapon ang imong buhaton.

Oo, imong dawaton kini pinaagi sa pagtoo; kinahanglan imong dawaton si Cristo pinaagi sa pagtoo; mao kana ang husto sa tukma gayud. Ug imong dawaton ang Espiritu Santo pinaagi sa pagtoo, apan tugoti ang Espiritu Santo nga mosulod ug magahatag ug sirkumsiyon ingon nga saksi nga Iyang gidawat ang imong pagtoo (Efeso 1:13-14). Nakita ninyo?

Tan-awa, si Abraham mitoo sa Dios ug kini giisip kaniya alang sa pagkamatarung, **apan ang Dios naghatag kaniya sa ilhanan sa sirkumsiyon ingon nga pagpamatuod nga Iyang nadawat ang iyang pagtoo (Rom. 4:9-12).** Busa mao usab kana ang atong kinahanglan nga buhaton. **Kinahanglan magpaabut kita sa Espiritu Santo hangtud nga Kini magabuhat ug usa ka butang,** dili kinahanglanon nga mosulti kita ug mga dila, dili tungod kay kita nagasayaw, kon nahimong emosyonal, kita nagasinggit: hangtud nga kita nausab, **hangtud usa ka butang ang tinuoray nga nahitabo. Dili ako magtagad kung unsa nga porma kini nga misulod, nahitabo lamang gayud kini; mao kana ang nag-unang butang.**

Ug ako nagatoo sa pagsulti ug mga dila ug tanan niining laing mga butang mga maayo, **apan kana lamang sa iyang kaugalingon dili magsilbi,** ug nahibalo kamo nga dili kini magsilbi. Busa dili kini magpulos. Nakakita ako ug mga diwatahan nga nagasultig mga dila, nakakita ug mga salamangkero nga nagasultig mga dila ug misayaw diha sa espiritu. Nakita ninyo? Tinuod. Pagbutang ug lapis ug kini mosulat ug langyaw nga pinulongan ug adunay magahubad niini (Nakita ninyo? Tinuod kana.) ug motug-an sa kamatuoran. Tinuod kana. Mosulat sa tukma gayud kung unsay nahitabo, ug mao gayud kana sa tukma nga paagi.

"Kon ako tigpanultig mga dila sa mga tawo ug sa mga manolunda, kini walay kapuslanan" (1 Cor. 13:1-3). Nakita ninyo? Bisan akong mahimo kini. **Apan sa dihang Siya, ang Persona, ang dili mamatay nga Espiritu ni Cristo mahimong imong personal nga Manluluwas, ug miusab kanimu, ug gipunting ang imong mga panghunahuna deretso gayud ngadto sa kalbaryo, ngadto niining Pulong, adunay usa ka butang nga nahitabo.** Oo, sir. Usa ka butang ang nahitabo; mahibalo ka niana sa dihang kini mahitabo.

Ug ang bag-ong vino, sa dihang magadala kini ug pinadayag, dayon kini gipadayag, ug mao kana ang nahitabo sa Pentecostes. Sila nahibalo nga adunay Espiritu nga ibubo ngadto kanila, **ug sila nagpaabut hangtud nga kini nahitabo. ug sa dihang ang gipanghimatud-an nga pinadayag nahitabo, dayon ang pagdasig anaa kanila (Pin. 6:6).**

Seguradong ilang gibuhat. Sila minggula usab. Ngadto pagawas sa mga kadalanan, diin sila nangahadlok ug gisirad-an ang mga pultahan, ug sila wala mipakita sa kadalanan. Diin sila nangahadlok sa pundok sa katawhan, sa pagwali sa Maayong Balita

ngadto kanila. Tinuod kana. Nakita ninyo? Usa ka butang ang nahitabo, **tungod kay ang tinuod nga Pulong sa saad gipanghimatud-an** (*Mga Buhat 2:1-36*). [13]

Pangutana: Sa diha gayud sa pagdawat sa Espiritu Santo, kon sa bautismo sa Espiritu Santo, aduna bay kalainan? Makasulti ba ug mga dila ang tawo? Kung dili sa kanunay, unsa ang makita nga pagpadayag?

Buyno, **mahunahuna ba nimo nga ang usa ka inahan magpahimugso ug usa ka bata nga wala mahibalo niini?** Kinahanglan siya mawad-an sa panimuot aron dili mahibalo niini. **Adunay usa ka butang nga mahitabo diha sa sulod kanimo. Nakita ninyo? Adunay usa ka butang nga makausab kanimo. Ang imong tibook Sistema, ang imong tibook espirituhonang Sistema mabag-o pag-usab, ug ikaw mahimong bag-ong binuhat diha kang Cristo, sumala sa gisulti sa Biblia, usa ka bag-ong binuhat diha kang Cristo** (*II Cor. 5:17*). Nahibalo ka niini.

Karon, ikaw moingon, “Igsoong Branham, dili ka motoo nga ang tawo mosulti ug mga dila aron makadawat sa Espiritu Santo.” **Dili kana pagpamatuod nga siya nakabaton sa Espiritu Santo.**

Buot ko nga ang matag membro sa akong simbahan mosulti ug mga dila. Gusto ko alang kanila nga mobuhat niana, ug ako nagatoo kung inyong pangayoon kana sa Dios, ang Dios magahatag niini kaninyo. Apan sultihan ko kamo; **daghang katawhan nga akong nahibaloan nga nagsultig mga dila apan walay Espiritu Santo.** Ug walay usa ka ministro nga matinud-anon ngadto sa iyang kaugalingon ug ngadto sa iyang kongregasyon kondili mosulti usab sa mao gihapon ngadto sa iyang kongregasyon. Ang yawa makasundog niana. Si Pablo miingon niini diha sa I Corinthians 13:1-10, “... *Apan kon ang hingpit moabut na, nan, ang dili hingpit igahiklin na lang unya,*” kon sa dihang ang hingpit mapadayag na. [14]

Dili ikaw ang mogamit sa Espiritu Santo; ang Espiritu Santo maoy mogamit kanimo, Nakita ninyo. Nakita ninyo, dili ikaw, dili ikaw maoy mogamit sa Espiritu Santo; ang Espiritu Santo nagbaton kanimo. Ang gasa dili usa ka butang nga imong makuha, sama sa usa ka kutsilyo, nga tahalan ang lapis niini. **Mao kini ang pagtugyan sa imong kaugalingon ngadto sa Dios, ug pagpalagpot sa imong kaugalingon aron ang Espiritu Santo mogamit kanimo.** [15]

Latas sa mga kapanahonan sa iglesia sila nanagpakadawat sa Espiritu Santo, **apan dili sa sukod nga ilang nabaton Kini karon; tungod kay mao kadto ang pagpahiuli sa nahauna** (*Mal. 4:5-6; Joel 2:2527*). Karon, **apan dinhi niining kapanahonan sa iglesia ang mensahe gibubo ngadto sa iglesia.** Apan ang lawas sa iglesia sa iyang kaugalingon, diha sa kinatibok-an... Sama niining tabernaculo, pananglitan; mao kana diin siya moanha sa iglesia. **Kining tabernaculo dili mao ang tabernaculo sa Espiritu Santo.** Walay usa ka butang nga sama niana. Matag tawo nga mosulod ngadto sa iglesia **mao ang tabernaculo sa Espiritu Santo** (*I Cor. 3:16-17*). **Sila mao ang mga tabernaculo nga gisudlan sa Espiritu Santo,** apan dili ang simbahan diha sa usa ka pundok. [3]

Ang Profeta miingon sa katapusan sa iyang mensahe: “Gihigugma ko Siya...” Awita kini gayud sa tibook mong kasingkasing, **imong bation gayud ang usa ka butang nga tinuoray nga matam-is diha sa sulod kanimo; mao kana ang Espiritu Santo.**

Unya siya miampo: Pun-a ako sa Espiritu. **Ihatag kanako ang Timaan sa Imong gugma kanako, ang Espiritu Santo, nga makahimo kanako nga magkinabuhi nga matam-ison, mapuangoron.** Makahimo kanako nga magkinabuhi sa Kinabuhi nga anaa diha kang Cristo, **aron ang akong kasingkasing magadilaab alang sa uban,** aron dili ako halos makapahulay gayud sa adlaw ug gabii, **hangtud akong maadtoan ang tanan kutob sa akong mahimo.**

Ang Espiritu Santo mao ang Timaan nga ang Dugo gipadapat diha sa imong kasingkasing, ug mao kini ang Timaan nga ang Dugo gipadapat. **Kung wala gayud kini napadapat, nan ang Timaan dili moabut** (*Exod. 12:13*). Nakasabut ba kamo, moingon kamo ug “amen.” **Ang Dugo kinahanglan mapadapat, ug unya ang Timaan moabut. Mao kini ang Timaan nga ang Dugo sa katubsanan** napadapat, ug ang imong pamasahе gibayran na. Ang Dios magapanalangin kaninyo. [16]

Reference:

[1] "Questions & Answers" (59-1223), COD pg. 483 / [2] "Questions & Answers On The Holy Ghost", COD pg. 416 / [3] "Blasphemous Names" (62-1104M), pg. 31, 19 / [4] "Countdown" (62-0909M), par. 39 / [5] "How Can I Overcome", par. 49 / [6] "God's Provided Place Of Worship" (65-0425), par. 95 / [7] "Hebrews Chapter 4", par.209-211 / [8] "Is This The Sign Of The End, Sir" (62-1230E), pg. 31 / [9] "Testimony Of A True Witness" (61-1105), par. 186 / [10] "Questions & Answers" (54-0103M), COD pg. 65 / [11] "Harvest Time", par. 334 / [12] "The Second Seal", Seal's Book pg. 204-205 / [13] "The Fourth Seal", Seal's Book pg. 289-290 / [14] "Questions & Answers" (64-0823E), COD pg. 1016, Q-No. 289 / [15] "Broken Cisterns" (650123), par. 159 / [16] "Token" (63-0901M), pg. 61

Gipadayag nga Pulong niini nga takna, gihugpong ni: Gerd Rodewald, Friedenstr, 69, D-75328 Schömburg, Germany. www.biblebelievers.de, Fax: (+49)72353306

Gihubad gikan sa English ngadto sa Cebuano ni Brother Sammy Durano, 319-A, Purok Maunlad, Buayan, General Santos City. Cp # 0919-898-5252, 0906-686-8039

Adunay moabut nga magadala sa Mensahe nga gikan gayud sa Biblia, ug sa dalianan nga tahas molibut sa kalibutan. Ang mga binhi mabutang sa mga pamantalaan, basahong mga butang, hangtud ang tanang gipili nang daan nga Binhi sa Dios makadungog Niini. [Si Brother Branham sa iyang "Conduct-Order-Doctrine" pahina 724]